



土岐文庫
文庫17
W127
7



文庫 17
W127
7

杜工部詩集卷之十

松陵 朱鶴齡 輯註

廣德中公往來梓門四作

春日梓州登樓二首

行路難如此登樓望欲迷身無却少壯跡有但一作
但有羈栖江水流城郭春風入鼓鞞鞞同雙雙新燕子
依舊已銜泥

天畔登樓眼隨春一作風入故園戰場今始定移柳

更一作豈能存哀江南賦鈞臺移柳非玉關厭蜀交游冷思吳

杜工部詩集



010185190140

勝事繁應須理舟楫長嘯下荆門

荆門注見八卷

春日戲題惱郝使君兄

一本無兄字

使君意

一作俊

氣凌青霄憶昨歡娛常見招細馬時

鳴金騁襄佳人屢出董嬌饒

郭作嬌○唐書凡馬有左右監以別其廐

良細馬稱左廐馬稱右漢武帝紀獲白麟與黃金為麟趾襄蹄目協瑞焉襄蹄騷襄蹄也盧紹麟詩漢家金騷襄玉臺新詠宋子侯有董嬌饒詩

東流江木西飛燕可惜春

光不相見願攜王趙兩紅顏再騁肌膚如素

英作雪

練古樂府東飛伯勞西飛燕黃姑織女時相見沈約詩遙裔發海鴻連翩出簷燕春秋更去來參差不相見趙曰東流二句以典見招之後不復見其姬也

通泉白里近梓州

請

一作公一來開我愁舞處重看花滿面樽前還

有錦纏頭

酉陽雜俎今婦人面飾用花子起自昭容上官氏所製以掩點跡通鑑注舊

俗賞歌舞人以錦綵置之頭上謂之纏頭王趙必郝使君家妓欲攜之至梓州共樂所謂戲之者以此

鄴

七稽切城西原送李判官兄武判官弟赴

成都府

唐志梓州治鄴縣一統志廢鄴縣在潼川州治東本朝併入州又州

西一百里有漢鄴縣故城

憑登送所親久坐惜芳辰遠水非無浪他山自有

春野花隨處發官

一作妖

柳著

直略切

行

音杭新天際傷

北江郎詩集卷十

愁別離筵何太頻

涪江泛舟送韋班歸京得山字

韋少府班見八卷

追餞同舟日傷春

一作心

一木間飄零為客久衰老

羨君還花遠

一作雜

重重樹雲輕處處山天涯故人

少更益鬢毛斑

泛舟送魏十八倉曹還京因寄岑中允參

范郎中季明

唐書諸衛府各有倉曹參軍程確岑參集序參出為號

州長史改太子中允兼殿中侍御史充關西節度判官

遲日深江水輕舟送別筵帝鄉愁緒外春色淚痕

邊見酒須相憶將詩莫浪傳若逢岑與范為問各

衰年

送路六侍御入朝

童稚情親四

一作三

十年中間消息兩茫然更為後

會知何地忽漫相逢是別筵不分

音問一作忿

桃花紅

似錦生憎柳絮白於

一作如

綿徐摛詩恒教羅袖拂不分秋風吹張正見

詩不分梅花落還同橫笛吹又衰桃賦爾乃萬株成錦干林似翼盧照隣詩生憎帳額繡孤鸞祖

孫登詠柳飛綿亂上空

劍南春色還無賴觸忤愁人到酒邊

涪城縣香積寺官閣

唐書涪城縣屬梓州全蜀總志涪城廢縣

在綿州東南四十里 錢箋 寰宇記 香積山在涪城縣東南三里北枕涪江

寺下春江深不流山
牋官閣迴添愁含風翠壁孤
雲細背日丹楓萬木稠
小院迴廊春一作深寂寂
浴
鳥飛鷺晚悠悠諸天合
在藤蘿外昏黑應須到上
頭

泛江送客

二月頻送客東津江欲平
烟花山際重舟楫浪前
輕淚逐勸盃下一作落
愁連吹笛生離筵不隔日那
得易為情

上牛頭寺

錢箋 寰宇記 牛頭山在涪州鄰縣西南二里高一里形似牛頭四面孤絕俯臨州郭下有長樂寺樓閣烟花為一方勝槩圖經云山上無禽鳥棲巢而杜有鶯啼之句則圖經誤也

青山意不盡
袞袞上牛頭
無復能拘礙
真成浪出遊
花濃春寺靜
竹細野池幽
何處啼鶯切
移時獨未休

望牛頭寺

牛頭見鶴林
梯逕繞幽深
一云秀麗一何深○涇繁後分佛入涇槩已東西二雙合為一樹南北二雙亦合為一皆垂覆如來其樹慘然變白經云樹色如鶴之白故名鶴林

王融法門頌啓鶴林
雙樹顯究竟以開珉
春色浮一作流山外天河宿正

定作一作殿陰傳燈無白日布地有黃金釋迦成道記

燈續注燈有照暗除昏之義故淨名有無盡燈一燈滅而一

布金注見九卷又彌陀經極樂國土有七寶蓮池

池底純以一作休作狂歌老迴看不住心金剛經應無

金沙布地一作住心退無因果

心眾香燭轉不

上兜率音律寺釋迦成道記注梵云兜率陀

界第四天也錢箋圖經兜率寺在梓州郫

縣南寰宇記前瞰郡城拱揖如畫侯丰東

山觀音寺記云梓州浮圖大小十二慧義

居其北兜率當其南牛頭據其西觀音距

其東

兜率知名寺真如會法堂圓覺經略疏

如真謂真實顯非虛妄

如謂如常表無變易

趙曰江山自巴蜀來有之猶羊子登觀山云自

有宇宙即有此山之義按王勃鄴縣兜率寺碑

兜率寺者隋開皇中之所建庾信哀雖久何顛好

也此云自齊梁疑未詳考

不忘北史庾信位望通顯常有鄉關之思乃作哀

義不類或疑是周顛周顛奉佛有隱操按蔡注本

葉少蘊避暑錄南史云周顛音詞辨麗長于佛理

于鍾山西立精舍休沐則歸之清貧寡欲終日長

蔬雖有妻子獨處山舍公岳楚遊林二寺詩用此

亦作何顛蓋周何

字相近而訛耳

白牛車遠近且欲上慈航法華

大白牛肥重多力形體殊好以駕寶車錢箋清

涼禪師般若經序般若者苦海之慈航昏衢之巨

車

望兜率寺

樹密當山逕江深隔寺門霏霏雲氣重一作動閃閃

浪花翻九章雲霏霏而承宇江不復知天大空

餘見如字須溪謂佛尊二語言佛之尊於天也闕

不敢違天佛之設教諸天奉行不敢違時應清盥

罷隨喜給孤園給孤園注見七卷

登牛頭山亭子

路出雙林外亭窺萬井中傅大士傳大士捨宅於松下建寺因以樹名雙

林徐陵東陽雙林寺傳大士碑大士熏禪所憩獨在高岩爰挺嘉木是名檇樹擢本相對似雙槐于俠門合幹成陰江城孤照日春一作山谷遠含風兵

革身將老關河信不通猶殘數行淚忍對百花叢

甘園甘古通作柑○益部方物贊柑生果渠嘉等州結實均於江南味差薄李

實曰柑園在梓州城南十里今猶名柑子舖柑廢

春日清江岸千甘二頃園青雲蓋一作葉密白亭

避花繁結子隨邊使開筒近至尊後於桃李熟終

得獻金門唐書劍南道眉簡資等州歲貢柑

陪李梓州王閬州蘇遂州李果州四

使君登惠義寺

李梓州見九卷唐書果州南充郡屬山南西道武德

四年析隆州置餘俱別元蔡曰地志惠義寺長平山在梓州郫縣北

春日無人境虛空不住天鸞花隨世界樓閣倚

寄

山巖遲暮身何得登臨意惘

一作

然誰能解金

印瀟灑共安禪

一云三車將五馬若箇合安禪○江總詩石室乃安禪

數陪李

魯作章

梓州泛江有女樂在諸舫戲

為艷曲二首贈李

魯作章

上客迴空騎佳人滿近船江清歌扇底野曠舞衣

前

庚信看妓詩綠珠歌扇薄飛燕舞衣長

玉袖臨風竝金壺隱浪偏

梁簡文帝詩風吹玉袖香

競將明媚色偷眼艷陽天

一作年○鮑照詩當

避艷陽年銑曰艷陽春也

白日移歌裏青霄近笛牀

齊南郊樂歌紫雲靄青霄

所以裝載者皆謂之牀如糟牀食牀鼓牀筆牀皆此義樹萱錄云南朝呼筆管為牀笛牀常即其類

翠眉縈度曲雲鬢儼成行

漢紀注度曲謂曲終更授其次也古詩度曲翠

眉低薛道衡詩佳麗儼成行

立馬千山暮迴舟一水香使君自

有婦莫學野鴛鴦

羅敷行使君自有婦羅敷自有夫

送何侍御歸朝

原注李梓州泛舟筵上作李魯作章

舟楫諸侯餞車輿使者歸山花相映發水鳥自孤

飛梁簡文帝詩山川相映發春日垂霜鬢天隅把繡衣故人從

此去一作遠寥落寸心違

江亭送眉州辛別駕昇之得蕪字

柳影含雲幕江波近酒壺異方驚會面終宴惜征途沙晚低風蝶天晴喜浴鳧別離傷老大意緒日荒蕪

行次鹽亭縣聊題四韻奉簡嚴遂州蓬州

兩使君咨議諸昆季唐書鹽亭縣屬梓州九域志在梓州東九

十里唐書蓬州蓬山郡屬山南西道武德元年析巴隆渠三州置兩使君無考

咨議或云卽嚴震舊書震字遐聞梓州鹽亭人至德乾元中屢出家財助軍授州長史王府諮議參軍嚴武移西川署押衙震從弟礪字元明官至尚書左僕射

馬首見鹽亭高山擁縣青雲溪花淡淡一作漢春郭

水泠泠全蜀多名士嚴家聚德星異苑陳仲弓與諸子姪造荀季

和父子于時德星聚太史奏五百里內有賢人聚長歌意無極好爲老夫

聽

倚杖原注鹽亭縣作

看花雖郭內一作外倚杖卽溪邊山縣早休車江橋

春近船狎野一作云鷗輕白浪歸雁喜青天物色兼生

意淒涼憶去年

陪王漢州留社綿州泛房公西湖

杜綿州見九卷

舊書房琯傳上元元年四月以禮部尚書出為晉州刺史八月改漢州刺史寶應二年四月拜特進刑部尚書錢箋方輿勝覽房公湖又名西湖按壁記房相上元初牧此邦其時始鑿湖有詩存焉○按此詩與下詩俱及房公赴召則廣德元年春公嘗至漢州明矣舊譜不書畧也

舊相恩追後春池賞不稀闕庭分音問未到舟楫有

光輝時房公方赴名在途故曰分未到鼓是義切化尊絲熟刀鳴鱸

纒飛說文鼓配鹽幽菽也世說陸機請王武子此子前有羊酪問吳中何以敵此機曰千里尊

美但未下鹽豉耳賦齊人纒切鑿刀若飛西征使君雙皂蓋灘淺下相依

得房公池鷺

房相西亭鷺一羣眠沙泛浦白於一作如雲鳳凰池

上應回首為報籠隨王右軍法書要錄王羲之性好鷺山陰曇礮村有

道士養好者十餘王往來市易道士言府君若能自屈書道德經各兩章便合羣以奉羲之佳乎日為寫畢籠鷺而歸

答楊梓州

悶到房舊作楊郭知達本定作房公池水頭坐逢揚子鐵東州

房公池 却向青溪不相見 迴船應郭作載載戎遊

見上 晉書阮籍謂王渾曰與卿語不 如與阿戎談阿戎渾子戎也

舟前小鷺兒 原注漢州城西北角官池作官池即房公湖

鷺兒黃似酒對酒愛鷺黃 錢箋方輿勝覽鷺黃乃漢州酒名蜀中無能及

者陸務觀云兩州名醞避鷺黃潘鴻曰東坡詩小舟浮鴨綠大杓瀉鷺黃蓋用公語裴處餘滿額鷺

黃金縷衣則以言粧王荆公引頸嗔船逼一作無弄日鷺黃裊裊垂又以言柳

行音亂眼多翅開遭宿雨力小困滄波客散曾城

暮狐狸奈若何

官池春鴈二首

自古稻梁多不足至今鴻鵠亂為羣且休悵望看

春水更恐歸飛隔暮雲

青春欲盡急還鄉紫塞寧論尚有霜翅在雲天終

不遠力微增音繳絕須防

投簡梓州幕府兼簡韋十郎官 黃本無官字郭云新

幕下郎官安隱一作無從來不奉一行書按說文

義與穩通通鑑玄宗遣中使至范陽祿山踞林不拜日聖人安隱注隱讀日穩又唐帖多寫穩為隱

作隱正 固知貧病人須棄一云不知貧能使韋郎

跡也疎

贈韋贊善別

扶病送君發自憐，猶不歸祇應盡客淚。復作掩荆扉，江漢故人少音書。從此稀往還，二十載歲晚寸心違。

喜雨

按舊唐書寶應元年八月台州人袁晁反陷浙東州郡廣德元年四月李光弼討之此詩末自注語王指袁晁也其時公在梓閬間故有巴人困軍須之句諸本編次皆失之

春旱天地昏，日色赤如血。

晉書光熙元年五月壬辰日光明四散亦如血流

照地皆赤

農事都已

樊作未

休兵戎况騷屑，巴人困軍須。

慟哭厚土熱，滄江夜來雨。真宰罪一雪，穀根小

一作

少蘇息。沴氣終不滅，何由見寧歲。解我憂思結，崢嶸羣山雲交會。未斷絕，安得鞭雷公，滂沱洗吳越。

原注時開浙右多盜賊

短歌行送祁錄事歸合州因寄蘇使君

唐六

典煬帝罷州置郡有東西曹掾及主簿皇朝省主簿置錄事參軍開元初改司錄參軍事三人唐書合州涪陵郡屬劔南東道按祁錄事乃合州錄事故詩稱蘇使君為賢府主魯嘗作邛州錄事誤也

前者途中一相見人事經年記君面後生相動一作

勸何寂寥君有長才不貧賤君今起柁春江流余

亦沙邊具小舟幸為達書賢府主江花未盡會江

樓錢箋方輿紀勝江樓在合州州治之前
釣魚山學士山巫山橫其前下臨漢水

寄題江外草堂原注梓州作
寄成都故居

我生性放誕雅欲逃自然嗜酒愛風一作
脩竹卜居

必一作
此林泉遭亂到蜀江臥病遣晉作
遺所便誅茅

初一畝廣地方一作
必連延經營上元始斷手寶應

年淳化帖唐高宗勅使至知玄
堂已成不知諸作總得斷手敢謀土木麗自覺

面勢堅臺庭一作
庭臺隨高下敞豁當清川惟有會心

侶數能同釣船面勢注
見四卷干戈未偃息安得酣歌賦

蛟龍無定窟黃鵠摩蒼天古來賢達志一作賢達
士一作達

志寧受外物牽古樂府黃鵠
摩天極高飛顧惟魯鈍姿豈識悔

吝先偶攜老妻去慘澹凌風烟事迹無固必幽貞

貴一作
愧雙全成都有徐知道之亂
公攜家去蜀寓梓州尚念四小松蔓

草易一作
已拘纏霜骨不堪一作
甚長承為鄰里憐

陪章留後惠義寺餞嘉州崔都督赴州章
留

後章彞也杜氏通典節度使若朝覲則置
留後擇其人以任之惠義寺見前唐

書嘉州眉山郡屬劔南東道舊書乾元元年三月劔南節度使盧元裕請升嘉州為中都督尋罷

中軍待上客令肅事有恒前驅入寶地祖帳飄金

繩觀經下有金剛七寶金幢擊琉璃地琉璃地上以黃金繩雜廁間錯以七寶界分齊分明法華經國名離垢琉璃為地有入交道黃金為

伯漢疏廣傳設祖道供帳東都門外南陌一作

既畱歡茲山亦深登清聞樹杪磬遠謁雲端僧

迴策匪新岸樊作崖所攀仍舊藤耳激洞門鱗目存

寒谷冰世說迴出塵閱軌躅畢景遺炎蒸永願坐

長夏將衰棲大乘闕軌躅言塵跡所不至也鮑

乘賦序大乘者如來之道場也故緣覺聲聞謂之

乘小羈旅惜宴會艱難懷友朋勞生共幾何離恨兼

相仍鮑照詩何慚宿昔

陪章畱後侍御宴南樓得風字

絕域長夏晚茲樓清宴同朝廷燒棧北鼓角漏舊

滿正異及英天東漢書張良說高祖燒絕棧道注

華皆作漏道有大漏天小漏天寰宇記邛都縣漏天秋夏常雨棘

州正在其東也項寇寶雞燒大震關廣德元年秋七月吐蕃入大

震關陷蘭廓河鄯洮岷秦屢食將軍第一云仍騎

御史驄本無丹竈術

一云

那免白頭翁

南越志長沙郡瀏陽

縣有王喬山山有合丹竈別賦守丹竈而不顧

寇盜狂歌外形骸痛飲中

野雲低渡水簷雨細隨風出號江城黑題詩蠟炬

紅通鑑玄宗誅韋后逮夜葛福順李仙舟皆至請號而行注凡用兵下營及攻襲就主帥取號以

備緩急相應此身醒復醉不擬哭途窮

臺上得涼字

改席臺能俗本作爲迴雷門月復光

謝朓詩臺迴月難中雷門謂雷城

門使不閉也雲霄遺暑濕山谷進風涼老去一杯足誰

憐屢舞長詩屢舞何須把官燭似惱鬢毛蒼謝承後漢

書也祇爲揚州刺史與客坐閣下不燃官燭

送王十五判官扶侍還黔中得開字

唐書黔州

黔中郡屬江南西道本三國吳黔陽郡周爲黔州貞觀四年置都督府一統志今爲辰州

辰州府地

大家東征逐子回風生洲渚錦帆開

後漢書曹世叔妻班彪之

女名昭字惠姬和帝數召入宮合皇后貴人師事焉號曰大家子穀爲陳雷長垣縣長大家隨至官

作東征賦按大家東征賦云維永初之有七兮余隨子乎東征逐子即隨子義也用修欲以將字易

之恐青青竹笋迎船出白白一作江魚入饌來楚

先賢傳孟宗至孝母好食笋冬月無之宗入林中哀號笋爲之生東觀漢記姜詩與婦傭作養母

上江都詩集

母好飲江水嗜魚鱸俄而湧泉
舍側味如江水每旦出雙鯉魚
離別不堪無限意

艱危深仗濟時才黔陽信使應稀少莫怪頻頻一作

頻頻煩勸酒杯

張繼曰題曰還黔中詩又曰逐子回王益黔中
人以侍養而歸故深為濟時之才惜或以為之
官非也

章梓州橋亭餞成都寶少尹得涼字

黃云新添

秋日野亭千橘香玉杯錦席高雲涼主人送客何

所作音行酒賦詩殊未央衰老應為難離去別賢

聲此去有輝光預傳籍籍新京尹一作青史無勞

數趙張漢書趙廣漢張敞相繼為京兆尹史民語
曰前有趙張後有三王成都前號南京故

之用

章梓州水亭

原注時漢中王兼道士席謙
在會同用荷字韻吳郡志

席謙郡人梓州肅明觀道士善棊
公絕句席謙不見近彈棊是也

城晚通雲霧亭深到芰荷吏人橋外少秋水席邊

多近屬淮王至高門蘓子過蘓子訓注
見二卷荊州愛山

簡吾醉亦長歌晉書山簡出遊習氏池置酒輒醉
見童歌之曰云云亦長歌言敬效

兒童之歌
山簡也

戲作寄上漢中王二首

原注王新
誕明珠

雲裏不聞雙雁過掌中貪看

吳作見

一珠新

范雲詩寄書雲

間雁為我西北飛

三輔決錄孔融見韋元將仲

將與其父書曰不意雙珠生于老蚌庾信傷心賦

掌中

秋風嫋嫋吹江漢只在他鄉何處人

九歌嫋嫋兮秋

風

王尚謫官蓬州故有末語

謝安舟楫風還起梁苑池臺雪欲飛

謝安傳安嘗與孫綽等泛

海風起浪湧諸人並懼安吟嘯自若舟人猶去不止風轉急安徐曰如此將無歸耶舟人承言即回

衆咸服其雅量漢書梁孝王築東苑方三百里廣睢陽城七十里大治宮室為複道自宮連屬于平臺三十餘里晉灼曰或說平臺在城中東北角亦或言兔園在平臺側如淳曰今城東二十里有臺寬廣而不甚高俗謂之平臺謝惠連雪賦歲將暮時既昏寒風積愁雲繁梁王不說遊于兔園俄

而微霰零密雪下

舊本皆同滄浪詩話云疑是攜妓去今本

都從

泠泠

一作陰陰

脩竹待王歸

謝安傳安居東山每遊賞必以妓女從

史記正義西京雜記云梁孝王苑中奇果佳樹瑰禽異獸靡不畢備世人言

深于竹園也故乘兔園

賦脩竹檀

樂夾池水

機拂子

機拂且薄陋豈知身效能不堪代白羽有足除蒼

一作青

蠅

白羽白羽扇也詩序青蠅刺譏也

繩非獨顏色好亦由顧盼

一作

稱

師尹曰張平子四愁詩美人贈

我金錯刀善注引續漢書曰佩刀諸侯王黃金錯

環謝承後漢書曰詔賜應奉金錯把刀前漢食貨

上工部詩集

卷十

其

志錢新室更造契刀錯刀錯刀以黃金錯其文一
刀直五千此云熒熒金錯刀乃佩刀之屬也對雪
詩云金錯囊徒罄是錢刀以金錯之也虎牙行云
金錯旌竿滿雲直是以黃金錯鏤旌竿也大抵古
人器物錯之以金皆謂金錯如秦嘉妻以金錯盃
奉其夫之類不可因各同而不究其實 鮑照詩
直如朱絲繩 金錯
朱絲皆櫻拂之飾
吾老抱疾病家貧臥炎蒸
皮膚倦撲滅賴爾甘服膺
唯當作嗜齧也莊子蚊
嗜膚則通昔不寐矣物
微世競棄義在誰官徵三歲清秋至未敢闕緘膝
莊子惟恐緘膝扇鑰之不固 言三歲緘藏不忍
以過時而棄之用物之義當然也從班婕妤好團扇
詩翻
出

韋諷錄事宅觀曹將軍畫馬圖

英華圖下有歌字黃

鶴有引字名畫記曹霸翻曹髦之後髦
畫稱于後代霸在開元中已得名天寶末
每詔寫御馬及功臣官至左武衛將軍按
曹將軍九馬圖後藏長安薛 和彭家蘇子
瞻作
贊

國初已來畫鞍馬神妙獨數江都王將軍得名三

樊作 卜載人間又英華見真乘黃錢箋名畫記江

軌之子太宗皇帝猶子也多才藝善書畫鞍馬擅
名垂拱中官至金州刺史 乘黃注見三卷重適
畫跋乘黃狀如狐背有角霸所
畫馬未嘗如此特論其神駿耳
曾貌莫角先帝照

夜白龍池十日飛霹靂內府殷鳥間紅瑪瑙盤一作

溫下婕即葉好汝諸傳詔才人索所盤賜將軍

士 下 詩集 卷一

拜舞歸輕統細綺相追飛一作貴戚權門得筆跡

始覺屏障生光輝錢箋明皇雜錄上所乘馬有玉花驄照夜白畫鑿曹霸人馬圖

紅衣美稱奚官牽上面驂綠衣闕官牽照夜白

長安志龍池在南內南薰殿北躍龍門南本是平地垂拱後因雨水流潦成小池後又引龍首支渠

分溉之日以滋廣至神龍景雲中彌亘數頭深至數丈常有雲氣或見黃龍出其中謂之龍池雍錄

明皇為諸王時故宅在京城東南角隆慶坊宅有井井溢成池六典言初時井溢已乃泉生合二水

以成此池也飛霹靂言霸西通真龍馬故能感動

龍池之龍隨風雷而至也唐書裴行儉傳平都支遮匄獲瑪瑙盤廣二尺文采粲然百官志內

官有婕妤九人正三品昔日太宗拳毛騮近時郭家獅子花

今之新一作圖有二馬復令識者久嘆嗟此皆戰

騎一作一敵萬縞素漠漠開風沙錢箋太宗六駿別名

昭陵北闕之下五日拳毛騮平劉黑闥時所乘

石真容自拔箭處管中九箭也金石錄太宗六馬

其一曰拳花騮黃馬黑喙杜陽雜編代字自號

還命以御馬九疋蚪并紫玉鞭轡賜郭子儀九花

蚪范陽節度李懷仙所貢額高九寸拳毛如鱗亦有獅子驄皆其類其餘七匹亦殊

絕迥若寒空動烟英華作雪霜蹄蹴踏長楸間馬

官廝養森成列曹植詩走馬長楸間注古可憐九

馬爭神駿顧視清高氣深穩借問苦心愛者誰後

有韋諷前支遁支遁注見一卷憶昔巡幸新豐宮翠華拂

天來向東騰驤磊落三萬匹皆與此圖筋骨同唐書

京兆府昭應縣本新豐有宮在驪山下舊書天寶二年分新豐萬年置會昌縣七載省新豐改會昌為昭應治溫泉宮之西北自從獻寶朝河宗無復射蛟江水中

君不見金粟堆前松柏裏龍媒去盡鳥呼風子博

天子西征至陽紆之山河伯馮夷之所都居是惟

河宗氏天子沉璧禮焉河伯乃按圖視典用觀天

子之瑤器曰天子之瑤玉果璿珠燭銀黃金之膏

朝河宗言河宗朝而獻寶也漢武帝本紀元封

五年自尋陽浮江親射蛟江中獲之舊唐書明

皇嘗至睿宗橋陵見金粟山岡有龍盤虎踞之勢

謂侍臣曰吾千秋萬歲後葬此暨升遐羣臣遵允

旨葬焉新書明皇泰陵在奉先縣東北二十里金

粟山廣德元年三月葬泰陵

送韋諷上閬州錄事參軍舊唐書閬州屬山

劍南道

國步猶艱難兵革未衰息萬方哀一作嗷嗷十載

一作供軍食庶官務割剝不復憂反側誅求何多

門賢者貴為德晉作賢俊愧為力韋生富春秋洞徹有清

識操持綱紀地喜見朱絲直白帖錄事參軍謂之綱紀掾當令

晉作豪奪吏自此無顏色必若救瘡痍先應去蝥

因循賊揮淚臨大江高天意悽惻行行樹佳政慰我深

相憶

丹青引贈曹將軍霸

將軍魏武之子孫於今為庶為清門英雄割據雖

皆一作已矣文采風流今尚存左傳三后之學書初

學衛夫人但恨無一作過王右軍丹青不知老將

至富貴於我如浮雲錢箋法書要錄衛夫人名鑠

從女汝陰太守李矩之妻也隸書尤善規矩鍾公

右軍少嘗師之永和五年卒子克為中書郎亦工

書書史會要王曠導從弟與衛世為中表故得

蔡邕書法于衛夫人授子羲之張懷瓘書斷篆籀

八分隸書草草飛自行書草書通謂之八體惟王

右軍兼工羊欣云貴越羣品古今莫二兼撮眾法

備成開元之中一作常引見承恩數上南薰殿凌

烟功臣少顏色將軍下筆開生面長安志南內興

慶宮內正殿曰

與慶殿前有瀛洲門內有南薰殿北有龍池

書貞觀十七年二月圖功臣于凌烟閣西京記太

極宮中有凌烟閣在凝陰殿南功臣閣在凌烟閣

南五代會要凌烟閣在西內三清殿側畫像皆北

向閣有隔隔內北面寫功高宰輔南面寫功高侯

王隔外次第圖畫功臣題贊南史于琳傳回腸

疾首切猶良相頭上進賢冠猛將腰間大羽箭

生之面公鄂公毛髮動英姿颯爽一作來酣戰唐書

朝服皆進賢冠舊書武德中制有爵弁遠遊進賢

武弁解豸諸冠西陽雜俎太宗好用四羽大箭

長常箭一扶射洞門闔舊書凌烟功臣李靖等

二十四人開府儀同三司鄂國公敬德第七故輔

國大將軍揚州都督襲

國忠壯公志玄第十

先帝御一作馬玉花驄畫

工如山貌莫角切不同是日牽來赤墀下迴郭作

迴一作

杜工部詩集卷十

十一

立聞闔生長風玉花驄見畫馬圖詩注詔謂將軍拂絹素

意一作法匠慘澹經營中斯須九重真龍出一洗萬

古凡馬空受賦意司莽而為匠古樂府不知理何事淺立經營中玉花却任

御榻上榻上庭前屹相向至尊含笑催賜金圍人

太僕皆惆悵画馬奪真故圍人太僕為之惆悵太僕馬官圍人廝養也弟子韓

幹早入室亦能畫馬窮殊相英華作狀幹惟畫肉不畫

骨忍使驕驕氣凋喪錢箋各畫記韓幹大梁人王府寺丞善寫貌人物九工鞍馬初師曹霸後獨白

擅杜甫贈霸畫馬歌云云徒以幹馬肥大遂有畫肉之謂古人畫入駿圖皆螭頭龍體天激電馳非馬之狀也玄宗好大馬西城大宛歲有來獻命幹

悉圖其駿則有玉花驄照夜白等時岐薛申寧王廐中皆有善馬幹並圖之遂為古今獨步將

軍畫一作善一作妙一作畫蓋有神必一作偶逢佳士亦

寫真即今飄泊干戈際屢貌尋常行路人途窮反

遭俗眼白世上未有如公貧但看古來盛名下終

日坎壈纏其身

送陵州路使君之任郭作赴郡屬劍南東道本隆山郡天寶元年更名

王室比荆作此多難高官皆武臣幽燕通使者岳牧

用詞人按史時諸州久屯軍旅多以武將兼領刺史法度弛廢人甚弊之故有高官皆武臣

杜工部詩集卷十

三

也之嘆 國待賢良急君當拔擢新佩刀成氣象行蓋

出風塵呂虔佩刀事 戰伐乾坤破瘡痍府庫貧衆

察宜潔曰萬役但平均霄漢瞻佳士泥塗任此身

秋天正播落回首大江濱

按高適在蜀請合東西川疏云嘉陵比為夷獠所陷今雖小定瘡痍未平可証陵州先經寇亂惜二史不載其事此詩潔已平役蓋告以文臣救亂之道當如是耳

送元二適江左按王右丞集有送元二適安西詩疑即此人也

亂後今相見秋深復遠行風塵為客日江海送君

情晉室丹陽尹公孫曰帝城宋書漢元封二年立丹陽郡治今宣城之

宛陵縣晉武帝太康二年分丹陽為宣城郡治宛陵而丹陽移治建業元帝太興元年改為尹領縣人元和郡縣志白帝城與赤甲山相接初公孫述至魚復有白龍出井中因號魚復為白帝城寰宇記公孫據蜀自以承漢土運故號曰白帝城按丹陽元所適白帝元所經此二句不過引下莫論兵意耳次 經過自愛惜取次莫論兵原注元普應孫吳科

九日

去年登高鄣縣北今日重在涪江濱苦遭白髮不相放羞見黃花無數新世亂鬱鬱久為客路難悠悠常傍人酒闌却憶十年事腸斷驪山清路塵

倦夜

竹涼侵臥內野月滿

一云編

庭隅重露成涓滴稀星

乍有無暗飛螢自照水宿鳥相呼萬事干戈裏空

悲清夜徂

補子

江水

地山雲薄暮時寒花隱亂草宿鳥

擇深一國見何日高秋心苦悲人生不再好鬢

髮白

成絲

別之作

萬壑樹聲滿千崖秋氣高浮舟出郡郭別酒寄江

濤良會不復久此生何太勞窮愁但一作有骨羣

盜尚如毛

賈誼新書反者如蚘毛而起

吾舅惜分手使君寒贈

袍沙頭暮黃鶴失侶亦一作哀號

閬州東樓筵奉送十一舅往青城得昏字

一統志東樓在保寧府治南嘉陵江上杜甫有詩

曾城有高樓制古丹墀存迢迢百餘尺豁達開四

門

書惟其塗丹墀注獲采色之名

雖有

一作會

車馬客而無人世喧

游目俯大江列筵慰別魂是時秋夏交節往顏色

昏天寒鳥獸伏霜露在草根

雪賦歲將暮時既昏沈約詩草根積霜

露今我送舅氏萬感集清罇豈伊山川間回首盜

賊繁穆天子傳王母歌日道里悠遠山川間之高賢意不暇王命久崩

奔臨風欲慟哭聲出已復吞久崩奔言久于崩奔之險

放船

送客蒼溪縣山寒雨不開

唐書蒼溪縣屬閬州寰宇記嘉陵江在縣東一

里東南流直愁騎馬滑故作放舟迴青惜峯巒過黃知

橋袖來江流大一作天自在坐穩興悠哉夏統別傳統在船曝

所市藥穩坐不搖

薄遊

浙浙

一作漸風生砌團團日一作月隱牆謝惠連詩浙

何遜詩團團日隱洲遙空秋雁滅半嶺暮雲長病葉多先墜

寒花只暫香巴城添淚眼今夕復秋一作清光閬州

郡地故曰巴城

南池

後漢書巴郡閬中縣南有彭池錢箋益州記南池在閬中縣東南八里方

輿勝覽南池在高祖廟旁東西四里南北入里漢志彭道將池今南池也魚池今郭

池也一統志南池白漢以來堰大斗之水灌田里人賴之唐時堰壞遂成陸田

崢嶸巴閬間所向盡山谷安知有蒼池萬頃浸坤

軸呀

虛加切

然閬城南枕

一作

帶巴江腹

華陽國志巴子都江

州後理閬中秦為巴郡地十道志果閬合三州同是漢巴郡之地亭林呀大空貌西都賦呀周池而成淵三巴記閬白二水東南流自漢中至始寧城下入涪陵曲折三回有如巴字曰巴江經峻峽中謂 芰荷入異縣秔稻共比屋皇天不無意美之巴峽

利戒止足高田失西成此物頗豐熟

言秔稻豐熟乃池水灌溉

之利比之高田宜知止足之分也

清源多眾魚遠岸富喬木獨歎

楓香林春時好顏色

楚詞注楓似白楊有脂而香霜後葉丹可愛爾雅翼楓脂

甚香謂之楓香脂一名白膠香

南有漢王

晉作

祠終朝走巫祝歌

舞散靈衣荒哉舊風俗

漢王祠即高祖祠項羽立高祖為漢中王漢中隣閬

故池南有漢王祠在今保寧府城南

楚詞靈衣兮披披 高堂

正異作皇

亦明王魂

魄猶正直不應空坡上縹緲親酒食淫祀自古昔

非唯一川瀆

海賦神

于戈浩茫茫地僻傷極日平

生江海

一云

與遭亂身局促駐馬問漁舟躊躇慰

羈束

嚴氏溪放歌行

他本無行字○按華陽國志閬中有三狐五馬蒲趙

任黃嚴為大姓唐書李叔明傳閬州嚴氏子疏稱叔明少孤養于外族遂冒其姓可証嚴氏溪在閬州

溪蓋以其族名

天下甲

一作

馬赤

常漂漂劍南歲

壯工部詩集

卷

月不可度邊頭公卿仍焉何其費心姑息是一

役肥肉大酒徒相要邊頭公卿未知所指鮑欽止

謂嚴武皆無據厚酒務以相強命曰爛腸之食呂氏春秋肥肉嗚呼古人已糞

土獨覺志士甘漁樵况我飄蓬鮑作無定所終日

戚戚忍羈旅秋宿樊作霜一作清溪素月高喜得與

子長夜語東遊西還力實倦從此將身更何許知

子松根長茯苓遲暮有意同來煮趙曰公留梓州復歸成都迎家

故曰東遊西還按地志閬州在梓州東此言東遊

閬州又西還梓州也成都迎家乃前一年事本

發閬中舊唐書閬水迂曲經郡三面故曰閬中○舊注公九月自梓往閬十

一月復歸梓九域志閬州西至梓州二百二十里

前有毒蛇後猛虎溪行盡日無村場江風蕭蕭雲

拂地山木慘慘天欲雨女病妻憂歸意速一作秋

光錦石誰復樊作數別家三月一得書英華作避

地何時免愁苦時公之家

冬狩行原注時梓州刺史章彝兼侍御史雷後東川

君不見東川節度兵馬雄校獵亦似觀成功夜發

猛士三千人清晨合圍步驟同禽獸已斃十七八

殺聲落日迴蒼穹

西京賦僵禽斃獸爛若積礫白日未及移晷已彌其十七八

幕前生致九青兕駉駉

即駱駝亦作橐佗 崑落猥 崑五毀切

垂玄熊東西南北百聖間髮鬚蹴踏寒山空

崑崙高貌

魯靈光殿賦玄熊岬蛟以齟齬

有鳥名鸚鵡力不能高飛逐走蓬

肉味不足登鼎俎胡為見羈虞羅中

禽經鸚鵡別舌而語 鷓

鷓賦肉不登于俎味 虞羅虞人網羅也陳子昂詩虞羅忽見等

春蒐冬狩侯得

同使君五馬一馬驄况今攝行大將權號令頗有

前賢風

唐刺史古諸侯之職侯得同言 蘇刺梓州蒐狩之禮得與古諸侯同也 潘子真詩

話禮天子六馬左右驂三公九卿駟馬左驂漢制九卿二千石七驂太守駟馬而已其加秩中二千

石乃右驂故太守以五馬稱之 趙齋聞覽及學林云漢時朝臣出使為太守增一馬故為五馬或曰

毛詩良馬五之以為州長建旗後遂作太守事 程大昌曰鄭玄注詩以州長比方漢州大小絕遠周

之州乃統隸于縣比漢太守秩殊不侔未足為據 按古樂府有使君從南來五馬立脚蹕則太守五

馬必起于漢但其說不一次公云出應劭漢官儀今亦無從考証若類書所稱王羲之守永嘉庭列

五馬此乃無稽之言不可引為故實 一馬飄然驄言兼侍御史攝行大將權言雷後東川

時危一老翁十年厭見旌旗紅喜君士卒甚整肅

為我迴轡擒西戎草中狐兔盡何益天子不在咸

陽宮朝廷雖無幽王禍得不哀痛塵再蒙嗚呼得

不哀痛塵再蒙

史記申侯與夫戎攻殺幽王于驪山之下 唐書廣德元年十月吐

蕃陷邠州及奉天車駕幸陝州又三日吐蕃陷京師玄宗幸蜀今代宗又幸陝故曰塵再蒙舊注是時詔徵天下兵程元振用事無一人應者故未章感激言之

山寺原注章雷後同遊得開字

野寺根石壁諸龕遍崔嵬前佛不復辨百身一莓

苔惟一作有古殿存世尊亦塵埃如聞龍象泣足

令信者哀維摩經菩薩勢力譬如龍象蹴踏非驢所堪翻譯各義集水行中龍力最大陸

行中象力最大使君騎紫馬捧擁從西來樹羽靜千里臨

沉久徘徊山僧衣藍縷告訴棟梁摧公為領一作

賓徒荆公作賓從黃作兵徒一注兵從咄嗟檀施開文選注大品經不施不慳

是名檀波羅蜜僧肇曰賢劫稱無捨之檀天竺言檀此言布施大乘論檀越者檀施也謂此人行檀能越貧窮海故吾知多羅樹却倚蓮花臺諸天必歡喜鬼

物無嫌猜錢箋西陽雜俎貝多出摩伽陀國樹長六丈經冬不凋此樹有三等一多羅

婆力又貝多二多梨婆力又貝多三部閻婆力又

貝多多羅翻為葉婆力又漢翻為樹西域經書用此

貝多漢翻為葉婆力又漢翻為樹西域經書用此

二種皮葉若能實護亦得五六百年翻譯各義集

貝多形如此方樓欄極高長八九十尺花如黃米

于西域記云南印建那補羅國北不遠有多羅樹

林三十餘里其葉長廣其色光潤諸國書寫莫不

採用齊民要術嵩山記嵩高寺中忽有思惟樹即

貝多也一年三花文殊傳世尊之座高七尺名

七寶蓮花臺大智度論人中蓮華大不過尺漫陀

耆尼池及阿那婆達多池中蓮華大如車蓋大上

寶蓮華復大十此如此蓮華臺嚴淨香妙可坐

佛書有三界諸天自欲界以上皆曰諸天以茲撫士卒孰曰非周才窮

子失淨處高人憂禍胎法華經譬如有人年既幼稚捨父逃逝長大復加困窮父求不得窮子備賃遇到父舍受雇除糞汗穢不淨其父宣言爾是我子今我財物皆是子有窮子聞言即大歡喜救乘歲晏風破肉荒林寒可

傳福生有基禍生有胎

迴思量入一作道苦自晒同嬰孩老子若嬰兒之未孩

按章彝事二史無考但附見嚴武傳云武再鎮劍南杖殺之公在東川與往來最數然桃竹杖冬狩行語皆含刺他詩又以指揮能事訓練強兵稱之大抵彝之為人將畧似優乃心不在王室是冬天子在陝彝從容校獵木必無擁兵觀望坐制一方之意公窺其微而不敢頌言因遊寺以諷諭之世尊塵埃咄嗟檀施豈天下蒙塵獨能晏然罔聞乎以茲撫士卒孰曰非周才欲

其用此道以治兵厥懷無但廣求福田也窮子失淨處高人憂禍胎諷其不修臣節妄覲非分猶窮子之離淨處而甘糞穢也淨處夫矣能無禍胎之憂乎隱言反子璋徐知道之戮當為前鑒也未四句又傷已之人道無期其辭若不為彝而發者此公之善為忠告也

桃竹杖引贈章叟後爾雅釋草竹四寸有節曰桃枝書顧命敷重篾席疏即桃枝竹戴凱之竹譜桃枝皮赤編之滑勁可為席蜀都賦靈壽桃枝注桃枝竹屬出墊江縣可以為杖東坡跋桃竹杖引後桃竹葉如櫻身如竹密節而實中犀理瘦骨蓋天成拄杖也出巴渝間子美有桃竹歌

江心一作蟠石生桃竹蒼波噴浸尺度足斬根削

皮如紫玉江妃水仙惜不得尺度足言中杖之尺度也北史楊津傳受

絹依公尺度。列仙傳江妃二女出遊漢江湄逢鄭交甫解佩與之王逸楚詞注馮夷水仙人也江賦馮夷倚浪以傲睨江妃含嚔而綿眇梓潼使君開一東滿堂賓客

皆歎息憐我老病贈兩莖出入爪甲鏗有聲老夫

復欲東南征乘濤鼓楫一作棹白帝城路幽必為鬼

神奪拔一作杖劍或與蛟龍爭重為告曰杖兮杖兮

爾之生也甚正直慎勿見水踴躍學變化為龍使

我不得爾之扶持滅跡於君山湖上之青峰神仙傳壺

公遣費長房歸以一竹杖與之曰騎此當還家長騎杖忽朕如眠便到家以竹杖投葛陂中視之

青龍耳博物志君山乃洞庭湖山也帝之

女居之曰湘夫人水經注君山有石穴潛通婁之

包山郭景純所謂門陵地道者也噫風塵瀕胡北

是山湘君之所遊處故曰君山鴻作洞兮豺虎咬古肴切人忽失雙杖兮吾將曷從

此詩蓋借竹杖規章雷後也以踴躍為龍戒之又以忽失雙杖危之其微旨可見將適吳楚畱別章使君畱後兼幕府諸公

得柳字

我一作甫來入蜀門歲月亦已久豈惟長兒童白覺

成老醜常恐性坦率失身為杯酒近辭痛飲徒折

節萬夫一作人後古詩失意杯酒間漢書昔如縱

壑魚今如喪家狗既無遊方戀行止復何有相逢

杜工部詩集卷十

半新故取別隨薄厚不意青草湖扁舟落吾手青

湖在巴陵眷眷章梓州開筵俯高柳樓前出騎馬

帳下羅賓友健兒簸紅旗此樂幾難朽日車隱崑

崙烏雀噪戶牖波濤未足畏三峽徒雷吼所憂盜

賊多重見衣冠走中原消息斷黃屋今安否時方有吐

蕃之難終作適荆蠻安排用莊叟隨雲拜東皇挂席

上南斗有使即寄書無使長迴首安排注見七卷楚詞有東皇

太乙章文選注太天之尊神祠在楚東以配東帝故曰東皇史天官書南斗江湖春秋說題辭南斗吳地也舊書天文志南斗在雲漢之流當淮海之間為吳分

對雨

對雨

莽莽天涯雨江邊獨立時不愁巴道路恐濕千家本作

失漢旌旗趙曰巴道路自綿州以東也言不憂

或云作失是即失道之失雪嶺防秋急繩橋戰勝

遲繩橋注見八卷西戎甥舅禮未敢背恩私

警急原注高公適領西川節度

才名舊楚將妙略擁兵機高適傳至德二年永王璘反適陳江東利害永

王必敗上奇其對以適為揚州左都督府玉壘雖

長史淮南節度使淮南楚地故云舊楚將

傳檄松州會解圍傳檄言吐蕃入寇檄書傳聞也松州注見九卷和親

知計拙公主漫無歸青海今誰得西戎實飽飛青海

注見一卷時陷吐蕃

蔡夢弼曰按史代宗即位吐蕃陷隴右漸逼京畿適練兵於蜀臨吐蕃南境以牽制之師出無功尋失松維等州此詩乃松州未陷時作

王命

漢北豺狼滿巴西道路難趙曰漢與巴相連漢北

血埋諸將甲骨斷使臣鞍牢落新燒棧蒼茫舊築

壇深懷喻蜀意慟哭望王官司馬相如傳后蒙通夜即徵發巴蜀吏李

蜀軍與法味其渠帥巴蜀大驚恐上使相李貢蒙等因喻告巴蜀人以非上之意

通鑑上元二年二月奴刺党項寇寶雞燒大關廣德元年三月李之芳崔倫使吐蕃留不遣

秋七月入大震關冬十月帥吐谷渾党項氏等二十餘萬衆度渭兵馬使呂月將戰死命郭子儀禦之子儀久閒廢纔得二十騎而行此詩皆序其事而急望王官之至以安蜀人也王官當指嚴武吐蕃圍松州高適不能制故蜀人思得武代之

征夫

十室幾人在千山空自多路衢惟見哭城市不聞

歌漂梗無安地銜枚有荷戈漢書注銜枚止言誰寫其狀如箸橫

之官軍未通蜀吾道竟如何

西山三首

夷界荒山頂 蕃州積雪邊

錢箋元和郡國志岷山頂即汶山南去青城山百

里天色晴明望見成都山頂停雪常深百丈夏月融泮江川為之洪溢即龍之南首也

維州南界江城岷山連嶺而西不知其極北望高

山積雪如玉東望成都若井底一面孤峯三面臨

江是西蜀控築城依連一作白帝轉粟上青天黃帝

吐蕃之要衝帝西方之帝也舊引夔州白帝城非是極言西

山城高難于轉粟高適請滅三城戍兵疏所謂平

戎以西數城逸在窮山之巔蹊險絕蜀將分旗

運糧于東馬之路坐甲于無人之鄉也鼓羌兵助一作井泉一作鑿鑿羌兵屬夷也公

其部西南背一作和好殺氣日相纏

辛苦三城戍 長防萬里秋 烟塵侵火井 雨雪閉松

州火井注風動將軍幕一作天寒使者來漫薛山

賊營一云壘迴首得無憂蓋

子弟猶深入 關城未解圍東西兩川說兼羌堪戰

邊守蠶崖鐵馬瘦 灌口米船稀錢箋寰宇記蠶崖

四十七里方輿勝覽在縣西五十里辨士安邊策

以鎮西山之走集灌口注見九卷

元戎決勝威 今朝烏鵲喜 欲報凱歌歸

舍弟占歸草堂檢校聊示此詩

久客應吾道 相隨獨爾來 孰今本一作知江路近頻

為草堂迴按說文孰食餌也古文惟有孰字後人

加火以別生熟之孰漢書孰計皆作孰

鷺鴨宜長數 荦荆莫浪開

董斯張曰西京雜記曹元理善算術嘗從其友

人陳廣漢羊不鷺鴨皆道其數杜蓋暗用此耳

東林竹影薄 臘月更須裁

有感五首

將帥蒙恩澤 兵戈有歲年 至今勞聖主 何以報皇

天白骨新交 戰雲臺舊拓邊

雲臺謂唐初功臣言此白骨交橫之地非

即雲臺功臣所舊拓之邊乎按史唐自武德以來開拓邊境地連西域皆置都督府州縣開元中置朔方等處節度使以統之祿山反後數年間相繼淪沒盡取河西隴右之地自鳳翔以西邠州以北皆為左袒公故發此嘆也

募使月支經御史大夫李

之芳等使吐蕃被雷故云按漢書匈奴留馮十餘載後亡歸漢時

張騫窮河源每年八月乘

無乘槎之說張華博物志海上有人槎到天河未嘗指言張騫宗際歲時令張騫尋河源乘槎而去趙蔡俱疑

傳庾肩吾奉為客星槎共

使江州詩漢使俱逐流正用此事也

此感吐蕃入寇而作

幽薊餘蛇 豕乾坤尚虎狼

左傳吳為封豕長蛇吞食上國

侯春不貢使 者日相望

董仲舒傳使者冠蓋相望

慎勿吞青海

無勞問越裳

南史林邑國本漢日南郡象林縣古越裳界也杜氏通典交趾之南有越

裳國周公居越裳重譯而

攝六年大君先息戰歸馬華山陽

錢箋是時代宗懷弱

幽魏之地降將封王節鎮驕恣不法不能致討此詩云慎勿吞青海無勞

上元郎詩集

卷一

問越裳安有節鎮之近不修職貢顧能從事窮荒者乎蓋歎之也息職歸馬謂其不復能用兵而婉詞以譏之也李翱云唐子孫不能以天下取河北正此意也舊注謂戒人主不當生事外夷真痴人說夢按天寶以後南詔叛唐歸吐蕃屢為邊患此詩青海指吐蕃越裳指南詔也言西南夷不足憂所可慮者藩鎮耳

洛下舟車入天中貢賦均洛陽為天地之中故曰天中日聞紅

粟腐寒待翠華春漢食貨志太倉之粟陳陳相因腐敗不可食按唐江淮之粟皆輸洛陽轉運京師時劉晏主漕疏浚汴渠故言洛下舟車無阻貢賦大集當急布春和散儲粟以贍窮民也莫取金湯固長令宇宙新不過行儉德盜賊

不主臣

杜詩博議傷者詩有近傳王在維及漕渠在東巡之句則此詩為傳聞代宗將幸東都而作也史稱喪亂以來汴水湮廢漕運自江漢抵梁洋通險勞費廣德二年三月以劉晏為河南江淮轉運使時兵火之後中外無粟乃疏汴水歲運米數十萬石以給關中晏之志是建東都本備巡幸今汴洛之間貢賦適均且漕渠已通倉粟不乏只待翠華之臨耳勿謂洛陽隄院無金湯可守乘此時而赫然東巡號令天下則宇宙長新矣蓋能行恭儉之德則率土皆臣盜賊豈足慮哉王導論遷都云能弘衛文大帛之禮無往不可若不績其麻則樂土為墟公詩正此意也

丹桂風霜急青梧日夜凋漢五行志成帝時童謠曰桂樹華不實黃雀巢

其顛注桂赤色漢家象丹由來強幹地未有不

桂喻王室青梧喻宗藩也

臣朝授鉞親賢往卑宮制詔遙終依古封建豈獨聽蕭韶

蔡寬夫詩話引司空圖房太尉詩云物望傾心久兇渠破膽頻注祿山初見諸王分鎮詔書指磨嘆曰吾不得天下矣按圖去公時近其言應不妄此詔本卑自房瑄肅宗入賀蘭進明之譖貶之至廣德初河北諸鎮跋扈不臣公故追歎當時不行瑄議有失強幹弱支之道也肅宗收兩京以廣平王為元帥所謂授鉞親賢也玄宗傳位肅宗故以禹之卑宮擬之與在遊詩禹功亦命子同意玄宗至成都即詔以皇太子充天下兵馬元帥討賊已遂遣使靈武冊命所謂卑宮制詔也言此二者皆國家大計所在然使能法古封建分鎮諸王則坐聽簫韶有不難者豈止無不臣之萌已耶又按公每持親王出鎮之議于巴蜀安危表極言之荆南連張詩亦云磐

石圭多剪然唐史載上皇以諸王分鎮高適切諫不可又劉晏移書房瑄謂今諸王出深宮一且望桓文功不可得其論又與公相抵牾豈各有見耶

滅人還亂兵殘將自疑時安史既平僕固懷恩懼誅謀叛李光弼亦畏禍不入朝故

登壇名絕假報主一云執玉爾何遲趙口

領郡輒無色之官皆有詞願聞哀假言真拜之非特假節而已

痛詔端拱問瘡痍

錢箋李肇國史補開元以前有事于外則命使臣否則止自置八節度十採訪始有坐而為使其後各號益廣大抵生于置兵盛于專利普于銜命于是為使則重為官則輕故天寶末佩印有至四十者大曆中請俸有至千貫者宦官內外悉屬之使舊為權臣所管州縣所理今屬中

人者有之此詩曰登壇名絕假謂諸將兼官太多所謂坐而為使也領郡輒無色州郡皆權臣所管不能自達故曰無色也之官皆有詞所謂為使則重為官則輕也送陵州路使君詩云王室比多難高官皆武臣與此詩正相發明東坡所云唐郡縣多不得人由于重內輕外者此天寶以前事以言于寶應廣德之時則迂矣五六非為郡守言之正責諸將專制使不得盡瘁于居官故欲下詔而問瘡瘼也如此解全詩意方貫

江陵望幸

雄都元壯麗望幸歛威神地利西通蜀天文北照

秦風烟含越鳥舟楫控吳人魯靈光殿賦又似乎帝之感神注威神言

未枉周王駕終期漢武尊嚴也謝朓詩風烟有鳥路古詩越鳥巢南枝

巡甲兵分聖旨居守付宗臣早發雲臺仗刊作恩路

波起涸鱗漢書武帝南巡至于盛唐注在南郡涸鱗注別見

按唐書上元初呂譔建請荆州置南都于是更號江陵府以譔為尹置永平軍萬人以過吳蜀之衝廣德元年冬乘輿幸陝以衛伯玉有幹畧可當重寄乃拜江陵尹充荆南節度觀察等使詩所云甲兵分聖旨居守付宗臣也時公在巴閬傳聞代宗欲巡幸江陵故有此作

城上荆作空城

草滿巴西綠空城山谷作城空白日長風吹花片片春

蕩一作水送雨茫茫八駿隨天子羣臣從武皇遙

聞出巡狩早晚徧遐荒

傷春五首

原注巴蜀僻遠傷春罷始知春前已收宮闕

天下兵雖滿春光

一作青春

日自濃西京疲百戰北闕

任羣兇

通鑑廣德元年冬十月吐蕃陷京畿渭北行營兵馬使呂月將將精卒二千與吐蕃

戰于盤屋為虜所擒又涇州刺史高暉射生將王獻忠等迎吐蕃入長安立邠王守禮孫承宏為帝故曰疲百戰關塞三千里烟花一萬重蒙塵清露

急御宿且

一作誰供

漢書注御宿苑在長安城南差宿聲相近故或云御羞或

云御宿羞者珍羞所出宿者止宿之義通鑑吐蕃度渭橋上倉卒幸陝州官吏六軍奔散無復供擬尾從將士不免飢餓乃幸魚朝恩營殷復前王道周遷舊國容蓬萊近雲氣應合總從龍言羣臣皆不當從駕而出耶責之詞也

為入新年語花開滿故枝天清

一作青

風卷幔草碧

水連

一作通

池牢落官軍遠

舊本俱作速千家本作遠

蕭條萬事

危鬢毛元自白淚點向來垂不是無兄弟其如有

別離巴山春色靜北望轉逶迤

日月還相鬪星辰屢合

一云亦屢

圍不成諫執法焉得

變危機

晉天文志數日俱出若鬪天下起兵大戰元帝太興四年二月癸亥日鬪漢天文志

高祖七年月暈圍參畢七重是歲上至平城為單于所圍史天官書南宮西將東相南四星執法中端門晉天文志左執法廷尉之象右執法御史大夫之象星經執法四星主刑獄之人又為刑政之官助宣王命內常侍官也杜詩博議漢志哀帝元壽元年十一月歲星入太微逆行于右執法占

曰大臣有憂執法者誅若有罪二年十月高安侯
重賢免歸自殺此詩執法二句暗引是事以董賢
况程元振也趙注樊惑星一名執法謂元振
樊惑人主當誅之以謝天下其說殊支離
大角

纏兵氣鈎陳出帝畿烟塵昏御道耆舊把天衣史

官書大角者天王帝廷其兩旁各有二星曰攝提
晉天文志大角天王座也又為天棟正經紀也魏

都賦兵纏紫微 行在諸軍闕來朝大將稀賢多
鈎陳注見三卷

隱屠鈎王肯載同歸唐書代宗幸陝諸鎮畏程元

郭子儀一人韓詩外傳太 振讒構莫至朝廷所恃者惟

再有朝廷亂難知消息真近傳郭作 王在洛復道

使歸一作 秦奪馬悲公主登車泣貴嬪蕭關述北

上滄海欲東巡漢武帝紀元封四年行幸雍

蕭關在安定朝那縣元和郡縣志蕭關在涼州高

平縣東南三十里一統志在平涼府鎮原縣西北

一百四十里秦始皇紀二十八年並渤海 敢料

以東過黃腫窮成山登之罌立石頌秦德

安危體猶多老大臣豈一作 無嵇紹血霑灑屬車

塵晉書王師敗績于蕩陰嵇紹以身捍衛兵交御

之清相如諫獵書乳屬車

聞說初東幸孤兒却走多難分太倉粟競棄魯陽

戈漢紀注取從軍死事者之子養羽林官教以五

兵號羽林孤兒淮南子魯陽公與韓蕩戰酣

日暮援戈而麾登前殿王公出御河得無作

之日返三舍

為中夜舞誰一作憶大風歌晉書祖逖與劉琨共被而寢中夜聞鷄鳴

因起舞曰此非惡聲也漢書高帝置酒沛宮自歌曰大風起兮雲飛揚威加海內今歸故鄉安得

猛士兮守四方春色生烽燧幽人泣薜蘿君臣重修德猶

足見時和

代宗致亂皆因信任非人老臣不見用故一日賢多隱屠釣一日猶多老大臣一日誰憶大風

歌篇中每三致意焉

杜工部詩集卷之十一

杜工部詩集卷之十一目錄

松陵 朱鶴齡 輯註

無錫 秦松齡

長洲 姚宗典 參定

送李卿歸 釋悶 贈別賀蘭銘 寄其蘭

銘 絕句 閩山歌 閩水歌 江亭上閩

州筵錢蕭蓬州 泛江 渡江 南征 地

隅 歸夢 久客 暮寒 遊子 滕王亭

子二首 玉臺觀二首 送韋郎司直歸成

都 雙燕 百舌 奉寄章十侍御 將赴

荆南寄別李劍州 奉寄別馬巴州 奉待

嚴大夫 自蘭州領妻子却赴蜀山行二首

別房太尉墓 將赴成都草堂途中有作

先寄嚴鄭公五首 春歸 歸來 草堂

四松 水檻 一宿船 過南隣朱山人水亭

登樓 奉寄高常侍 寄邛州崔錄事

王錄事許修草堂費不到聊小諫 歸雁

絕句二首 寄司馬山人十二韻 贈王二

十四侍御勢四十韻 過故斛斯校書莊二

首 黃河二首 揚旗 太子張舍人遺織

成褥段 憶昔二首 別唐十五誠因寄禮

部賈侍郎 寄董卿嘉榮十韻 立秋雨院

中有作 奉和嚴鄭公軍城早秋 院中晚

晴懷西郭茅舍 到村 村雨 宿府 遣

悶奉呈嚴公二十韻 送舍弟穎赴齊州三

首 嚴鄭公階下新松得霑字 嚴鄭公宅

同詠竹得香字 晚秋陪嚴鄭公摩訶池泛

舟得溪字

奉觀嚴鄭公廳事岷山沱江畫

圖十韻得忘字

初冬

觀李固請司馬弟

山水圖三首

至後

懷舊

杜工部詩集卷之十一目錄

杜工部詩集卷之十一

松陵

輯註

廣德中公往來梓閬歸成都草堂嚴武表授

節度參謀作

送李卿曄

唐書李峴傳李曄鞫謝夷甫事忤旨貶嶺南

肅宗詔刑部侍郎

世系表曄太鄭王房淮安忠公琇之子終刑部侍郎

王子思歸日長安已亂兵

哀江南賦歸土子按庾賦用

黃歇語見史記

霑衣問行在走馬向承明

嚴助傳君朕承明之廬張晏曰

承明廬在石渠閣外直宿所止日廬黃圖未央宮有承明殿著述之所也

暮景巴蜀僻

春風江漢清晉山雖自棄魏闕尚含情木經注袁

曰介休縣有介山有綿上聚子推廟按公嘗扈從

蕭宗故自比之推曰自棄者不敢以華州之貶懟

其君也壯遊詩之推避賞從亦此意杜詩博議晉

山自棄即出金光門詩移官豈至尊意也古人流

離放逐不忘主恩故公于賈嚴之貶則曰開闢乾

坤正榮枯雨露偏于已之貶則曰晉山雖自棄魏

闕尚含情其溫柔敦厚之意言外可想若以蕭示

不甚省錄故任信自况之推失之遠矣呂氏春

秋中山公子牟謂詹子曰身在江海之上心居魏闕之下

釋悶 四海十年不解兵犬戎羊也復臨咸京失道非

關出襄野揚鞭忽是過湖城莊子黃帝將見大隗

于具茨之山至于襄

城之野七聖皆迷無所問塗世說王大將軍顯

軍妹熟明帝著戎服乘巴寶馬齋一金鞭陰察軍

形勢敦晝寢夢日遶城忽驚覺曰營中有黃鬚鮮

卑奴來何不縛取命騎追之不及按晉書明帝紀

微行至于湖陰察敦營壘而出王敦傳帝至蕪湖

察敦營壘于湖即蕪湖也地志晉太康中分丹陽

置于湖縣即今當塗縣地又蕪湖縣有王敦城此

詩所云湖城也自唐以來皆破句讀故樂府有湖

陰曲張文潛始正豺狼塞路人斷絕烽火照夜屍

縱橫天子亦應厭奔走羣公固合思升平但恐誅

求不改轍聞道雙孽能一作全生江邊老翁錯料

事眼暗不見風塵清雙孽謂程元振唐書代宗在

二年春正月以私入京師配

流溱州復令于江陵府安置

杜工部詩集卷十一

贈別賀蘭鈺音織

黃雀飽野粟羣飛動荆榛今君黃作抱何恨寂寞

向時入劉禎詩羞與黃雀羣注黃雀喻小人老驥倦驤首蒼一作鷹

愁易馴高賢世未識固合嬰飢貧易馴鷹飢則附人也國步

初返正乾坤尚風塵悲歌鬢髮白遠赴湘吳春返

謂代宗幸陝初還時公將適吳楚我戀岷下芋君思千里尊生離

與死別自古鼻酸辛貨殖傳岷山之下沃野千里下有蹲鴟至死不飢注蹲鴟

芋也世說陸機詣于武子武子前置數斛羊酪問機吳中何以敵此機曰千里尊羹但未下鹽豉

耳千里吳石塘湖名一統志千里湖在溧陽縣東南一十五里至今產美尊俗呼千里滄按賀蘭當

是吳人而遊蜀者故有君思千里之句高唐賦孤子寡婦寒心酸鼻

寄賀蘭鈺

朝野歡娛後乾坤震蕩中相隨萬里日總作白頭

翁歲晚仍分袂江邊更轉蓬勿云俱異域飲啄幾

回同

絕句

江邊踏青罷迴首見旌旗杜氏壺中贊錄蜀中風俗舊以二月二日為節

青節風起春城暮高樓鼓角悲

閩山歌

閬州城東靈

一作

山白閬州城北玉臺碧

唐書閬州

縣有靈山

錢箋寰宇記

靈山一名仙穴止在閬中

縣東北十里周地圖云

靈山峰多雜樹昔蜀王鼈

靈登此因名靈山山東

南隅有玉女搗練石

輿地紀勝玉臺山

在閬州城北七里

盡不盡雲江動將崩已

英華同

崩石那知根無鬼

神會已覺氣與嵩華敵

中原格鬪且未歸應結茅

齋看

音作

青壁

一作應

著茅

閬水歌

嘉陵江色何所似石黛碧玉相因依

寰宇記嘉陵水一名西漢

亦又各閬中水周地圖云水源出自秦州嘉陵因

出更復春從沙際歸巴

童蕩槩欹側過水雞

海鹽

校本 銜魚來去飛

舞鶴

賦巴童心恥

水雞無考

短尾好宿木田中

今

閬中勝事可腸斷閬州城南

天下稀

錢箋方輿勝覽

閬中山亦名錦屏山在城

益之衝有五城

十一樓之勝概

記云閬之為郡當梁洋棧

江亭王閬州筵

餞蕭遂州

離亭非舊國春色是他

鄉老畏歌聲斷

一作短

隨舞曲長二天開寵餞

五馬爛生

一作

光

後漢書

蘇章遷

冀州刺史有故人為清河太守喜曰人皆有一天
我獨有二天五馬注見十卷二天屬王閬州
五馬屬蕭遂州古人用五馬事多川路風烟接俱
以太守行遊言之觀此二語可見宣下鳳凰
漢書黃霸為潁川太守是時鳳凰
風神雀數集郡國潁川尤多

陪王使君晦日泛江就黃家亭子二首

山豁何時斷江平不肯流稍知花改岸始驗鳥隨

舟結束多紅粉歡娛恨白頭古詩娥娥非君愛人

客晦日更添愁

有徑金沙軟無人碧草芳蜀都賦金沙銀礫注永

中一統志保寧府劍州野畦連峽蝶江檻俯鴛鴦

傷

日晚烟花亂風生錦繡香不須吹急管衰老易悲

泛江

方舟不用楫極目總無波長日容盃酒深江淨綺

羅淨綺羅猶云亂離還奏樂飄泊且聽歌故國流

清渭如今花正多

渡江

春江不可渡二月已風濤舟楫欹斜疾魚龍偃臥

高渚花兼陳作素錦汀草亂青袍古詩青袍戲問

垂綸客悠悠見

一作汝曹

南征

春岸桃花水雲帆
楓樹林偷生長避地
適遠更露襟老病南征日
君恩北望心百年歌自苦
未見有知音

地隅

江漢山重阻風雲
地一隅年年非故物
處處是窮途

古詩所遇無故物

喪亂秦公子悲涼

一作秋

楚大夫

謝靈運擬

鄴中詩序王粲家本秦川貴公子孫遭亂流寓自傷情多 離騷序 屈原位于懷王為三閭大夫三

開之職掌王族三姓曰昭屈景 生平心已折行路日荒蕪

歸夢

道路時通塞江山日寂寥
偷生惟一老伐叛已三

朝雨急青楓暮雲深
黑水遙

寰宇記雋州越雋縣有黑水杜詩雲深黑

水遙是也按黑水源流非一唐雋州地瀘水所出瀘水即黑水也次公注黑水在郢杜之間郢杜在長安何嘗有黑水夢彌引水經黑水出張掖鷄山過三危入南海亦無干 夢魂歸未得
一作夢歸歸未得
一作夢魂歸亦得 不用楚詞招

久客

羈旅知交態淹留見俗情
衰顏聊自哂小吏最相

輕去國哀王粲傷時哭賈生狐狸何足道豺虎正

一作亂縱橫漢孫寶傳豺狼橫道不宜復問狐狸

暮寒

霧隱平郊樹風含廣岸波沈沈春色靜慘慘暮寒

多戍鼓猶長擊林鷺遂不歌忽思高宴會朱袖拂

雲和

周禮大司樂奏雲和之琴瑟注雲和地名產良材中琴瑟

遊子

巴蜀愁誰語吳門興杳然九江春草外三峽暮帆

前厭就成都卜休為吏部眠

高士傳嚴遵字君平賣卜成都中中日聞

數人得百錢足自養則閉肆下簾而授老子益州記雁橋東有嚴君平卜處土臺高數丈也

畢卓為吏部郎比舍郎釀熟卓因醉夜至其甕間盜飲之為掌酒者所縛明旦視之乃畢吏部也

蓬萊如可到衰白問羣

今本神仙遙星漢非乘槎可作神

上風颺道阻蓬萊無可到之期言非止南下游吳如蓬萊仙山可到則亦往矣意在必去巴蜀也

滕王亭子二首

原注在王臺觀內王調露中任閩州刺史一云閩州

玉臺觀作王曾典此州舊唐書滕王元嬰傳元嬰高祖第二十二子都督洪州數

犯憲章于滁州安置後起授壽州刺史轉隆州刺史地理志先天二年避玄宗名改

隆州為閩州錢箋方輿勝覽滕王以隆州衙宇卑陋遂修飭弘大之擬于宮苑謂

之隆苑後改曰閩苑滕王亭即元嬰所建楊慎以為嗣滕王湛然誤也

君王臺榭枕去聲巴山萬丈丹梯尚可攀春日鶯啼

脩竹裏仙家犬吠白雲間脩竹用梁孝王事注見十卷孫綽蘭亭詩鶯語

吟脩竹 神仙傳入公與淮南王安白日升天臨去時餘藥器置在中庭雞犬舐啄之盡得升天故

雞鳴天上犬吠雲中也清江錦一作碧石傷心麗嫩藥濃花滿

日班人到於今歌出牧來遊此地不知還

寂寞春山路君王不復行古牆猶竹色虛閣白松

聲鳥雀荒村暮雲霞過客情尚思歌吹日千騎把

一作 擁 霓旌

玉臺觀二首

原注滕王造○錢箋方輿勝覽玉臺觀在閩州城北七里

唐滕王嘗遊 有亭及墓題曰觀 在高處其中 有臺號曰玉臺

中天積翠玉臺遙上帝高居絳節朝天台賦瓊臺 中天而懸居

漢郊祀歌遊閭闔觀玉臺應劭曰玉臺上帝之所居 梁邵陵王祀魯山神文絳節陳竿滿堂繁會

此言羣仙 皆來朝集遂有馮夷來擊鼓始知羸女善吹簫馮夷

注見一卷 仙傳拾遺蕭史善吹簫秦穆公女弄玉好之公妻焉日教弄玉作鳳鳴居數年吹簫似

鳳聲鳳凰來止其屋 公為作鳳臺范江光隱見龍

雲遊仙詩命駕瑤池 隈過息羸女臺烏鵲橋按四語形容仙境恍

鵲橋蒙羸女烏鵲對 龍龜公臨邑舍弟詩亦然上只言江光之遠下只言石勢之高耳或云觀中疑

有公主遺跡故用羸女吹簫事樂天題華陽觀詩帝子吹簫逐鳳皇空留仙洞在華陽以觀即華陽

公主故更有一作肯紅顏生羽翼一作翰便應黃髮老

居也言世界有駐顏飛昇之術

漁樵吾便當雷此以終老爾

浩劫因王造一云起平臺訪古遊度人經惟有元始浩劫之家部制我

界廣異記儒謂之世釋謂之劫道謂之塵按浩劫無窮之劫猶言累世也又廣韻浩劫宮殿大階級也杜出云俗謂塔級為劫故嶽麓行曰塔劫

宮牆壯麗敵此說待考平臺注見十卷彩一作

雲蕭史駐文字魯恭留漢書魯其王壞孔子舊宅以廣其居聞鐘磬琴瑟之聲于壁中得宮闕通羣帝乾坤到十洲山海經大

荒之中有黃木赤枝羣帝取藥下洲記四方巨

海之中有祖洲瀛洲元洲炎洲長洲充洲鳳麟洲

有笙鶴時過北一作此山頭神仙傳王子喬周靈王太子晉也好吹笙作鳳鳴遊伊洛間道士浮丘公接上嵩山三十餘年後乘白鶴駐緱氏山頂舉手謝時人而去

送韋郎司直歸成都

竄身來蜀地同病得韋郎劉楨詩竄身清漳濱吳越春秋同病相憐同

憂相救天下干一作兵戈滿江邊歲月長別筵花欲暮

春日鬢俱蒼為問南溪竹一作筍抽梢合過墻原注予草

堂在成都西郭南溪即浣花溪

雙燕

旅食驚雙一作雙飛燕銜泥入北一作此堂應同避燥濕

杜工部詩集卷十一

且復過炎涼

左傳子罕曰吾儕小人皆有闔廬以避燥濕寒暑

養子風塵

際來時道路長今秋天地在吾亦離

去聲殊方時公欲出

峽故托燕寓意

百舌

御覽雜記曰百舌鳥一名反舌春則轉夏至則止

百舌來何處重重祗報春知音兼眾語整翮豈多

身花密藏難見枝高聽轉新過時如發口君側有

讒人

汲冢周書芒種之日螳螂生又五日鳴始鳴又五日反舌無聲螳螂不生是謂陰息賜始

不鳴令奸壅偏反舌有聲佞人在側

奉寄章十侍御

原注時初罷梓州刺史東川留後將赴朝廷

書嚴武傳武再鎮蜀恣行猛政梓州刺史章舜初為武判官及是武不副意赴成都

杖殺之按此詩武再鎮蜀舜已人覲矣豈及其未行而殺之耶

淮海維揚一俊人金章紫綬照青春

禹貢淮海維揚公

卿表三公徹侯並金印紫綬舊書輿服志二品三品並服紫綬三綵

指揮能事迴天

地訓練強兵動鬼神湘

一作襄

西不得歸關羽河內

猶宜

一作疑

借寇恂

蜀志先主收江南諸郡拜關羽為襄陽太守蓋寇將軍駐江北

西定益州拜羽董督荊州事陸機辨亡論漢主報關羽之敗圖收湘西之地而陸公亦挫之西陵注

湘西荊州地也後漢書光武收河內拜寇恂為太守後移潁川又移汝南潁川盜賊羣起恂從駕

南征百姓請復借寇君一年乃留恂按嚴武再鎮成都復合東西川為一節度東川留後在所宜

廢湘西不得歸闕羽言其不復歸鎮也河內猶宜借寇恂言侍御之才東川倚重不當罷之歸朝也朝覲從容問幽仄側通勿云江漢有一作老垂綸宋書恩倖論明揚幽側惟才是與

將赴荆南寄別李劔州唐書劔州晉安郡屬劔南道

使君高義驅今古寥落三年坐劔州但見文翁能

化俗一作焉知李廣未封侯漢循吏傳文翁為蜀郡守修起學官于成

都市中吏民大化蜀地學于京師者比齊魯焉西經灑灑雙蓬鬢天入滄浪一釣舟禹貢又東為滄浪之水鄭熊曰

漢水東過南漳戎馬相逢更何日春風回首仲宣樓荆山為滄浪水

樓仲宣樓注別見

奉寄別馬巴州原注時甫除京兆功曹在東川○巴州注見九卷

按蔡典宗年譜廣德元年補功曹與此詩自注語正合詩云南國浮雲水上多獨把漁竿終遠去及奉待嚴大夫詩云欲辭巴徼啼鶯合遠下荆門去鷓鴣催可証除功曹時正在東川將為荆南之遊也本傳以召補京兆府功曹不至在上元二年王原叔集序因之皆誤

勲業終一作歸馬伏波功曹非一作復漢蕭何漢高

帝紀蕭何為沛主吏孟康曰主吏功曹也吳志孫策謂虞翻曰孤有征討事未得還府卿復以功曹

為我蕭何扁舟繫纜沙邊久南國浮雲水上多南

謂荆獨把漁竿終遠去難隨鳥翼一相過知君未

愛春湖色興在驅駒白玉珂沈約詩高門列騶駕廣路從驅駒通俗文

馬勒節曰珂本草珂貝類皮黃黑而骨白可為馬飾生南海唐車服志五品以上有珂傘

奉待嚴大夫

此詩舊譜及諸家注並云廣德二年作按通鑑是年嚴武

得劔南之命在正月詩不當曰隔年回又公與武詩皆隨所受官而稱之其時嚴已封鄭國公不得但稱大夫且遷黃門侍郎時已罷兼御史大夫矣黃鶴致疑于此故編實應元年然是年春公不聞嘗去草堂何以有欲辭已微遠下荆門之語即使公欲赴荆楚何不經嘉戎下渝忠顧乃北走山南由梓闈而出峽耶當仍以書編為是

其云旌節隔年回意武受命劔南乃在廣德元年之冬而唐人凡稱節度使皆曰大夫正不必以封鄭公為疑也杜詩博議舊書地志合劔南東西川為一道在廣德元年唐會要則云二年正月入日此武受命在元年冬之一証也

殊方又喜故人來重鎮還須濟世才常怪偏裨終

日待不知旌節隔年回欲辭已微帝駕合遠下荆

門去鷁催淮南子龍舟鷁首方言舟首謂之艦首注鷁鳥名今江東貴人船前作青雀是

其身老時危思會面一生襟一作抱向誰開

自閬州領妻子却赴蜀山行三首

汨汨一作泥泥避羣盜悠悠經六年不成向南國復作

遊西川物役水虛照魂傷山寂然我生無倚著盡

室良途邊左傳盡室以行

長林偃風色迴復一作首意猶迷衫袞翠微潤馬銜

青草嘶棧一作逕懸斜避石橋斷却尋溪說文棧棚也又閣也

聞至成都無棧道此一作兵何日干一作戈盡飄飄媿老妻

行色遞隱見人烟時有無僕夫穿竹語稚子入雲

呼轉石驚魑魅披耕切弓落欃旄旄彈也欃注見六卷爾雅注

鼠狀似蝙蝠毛紫黑色飛而乳子真俱一笑樂似欲慰窮途

別房太尉墓

舊唐書房琯傳寶應二年四月拜特進刑部尚書在路遇

疾廣德元年八月四日卒于閬州僧舍時年六十七贈太尉新書寶應二年道病卒

按通鑑代宗以癸卯七月改元寶應之二年即廣德之元年也二史本無異同舊注

疑新書為誤失考耳

他鄉復行役駐馬別孤墳近淚無乾土一空云

有斷雲低空斷雲正見哭墓之哀對碁陪謝傅把

劔覓徐君謝安傳謝玄等破苻堅有敬書至安方對客圍碁了無喜色安薨贈太傅錢箋

瑄為宰相聽董庭蘭彈琴以招物議李德裕遊房太尉西池詩注房公以好琴聞于海內此詩以謝

傳圍碁為比蓋為房公解嘲也圍碁無損于謝傳則聽琴何損于太尉乎語出回護而不失大體可

謂微婉矣說苑吳李札聘晉過徐心知徐君愛其寶劍及還徐君已沒遂解劍繫其冢樹而去惟見林花落鸞啼送客聞

將赴成都草堂途中有作先寄嚴鄭公五

首唐書嚴武傳寶應元年自成都召還拜京兆尹明年為二聖山陵橋道使封鄭國公遷黃門侍郎廣德二年復節度劍南

按舊書云武再尹成都節度劍南破吐蕃加檢校吏部尚書封鄭國公與新書不同以此詩題証之新書是

得歸茅屋赴成都直一作為文翁再剖符漢文帝紀初與

太守為銅虎符竹使符但使聞聞還揖讓敢論松竹久荒蕪

魚知丙穴由來美酒憶郫筒不用酤蜀都賦嘉魚出于丙穴

淵林曰丙穴在漢中沔陽縣北有魚穴二所御覽周地圖記曰順政郡丙穴以其口向丙因名沮水經穴間過或謂之大丙水每春三月下旬後有魚長八九寸或一二尺聯綿從穴出躍如傳名為嘉魚益部方物贊丙穴在興州魚出石穴中雅州亦有之蜀人甚珍其味黃曰丙穴固在漢中然地志載卬州大邑縣有嘉魚穴萬州梁山縣柏枝山有丙穴方數丈出嘉魚又達州明通縣井峽中穴凡十皆產嘉魚此詩公赴成都作意是指邛州丙穴蓋成都西南至邛州才百五十里耳成都記成都府西五里因木標名曰郫縣以竹筒盛美酒號為郫筒華陽風俗錄郫縣有郫筒池池旁有大竹郫人剝其節傾春釀于筒苞以藕絲蔽以蕉葉信宿香達于林外然後斷之以獻俗號郫筒酒統志相傳山濤治郫用筠管釀醪醪作酒兼旬方開香聞百步今其法不傳五馬舊曾

諸小徑幾回書札待潛夫潛夫注見八卷

處處清江帶白蘋故園猶得見殘春雪山斥候無

兵馬錦里逢迎有主人休怪兒童延俗客不教鷺

鴨惱比頻脂切鄰習池未覺風流盡况復荊州賞更

新武嘗訪公草堂故以山簡習池擬之

竹寒沙碧浣花溪菱一作橋刺藤梢咫尺迷過客徑

須愁出入居人不自解東西書籤藥裏封蛛網野

店山橋送馬蹄肯一作藉荒庭春草一作色先判

普官切 一作拚 儀此下云一日不齋醉如泥一飲醉如泥後漢周澤傳一歲三百六十九日三百五十九日齋注漢宿

常苦沙崩損藥欄也從江檻落風湍江檻即新松木檻

恨不高一作長千尺惡竹應須斬萬竿生理祇憑黃

閣老衰顏欲付一作赴紫金丹黃閣老注見四卷

久變化愈妙令人不老不死 參同契色轉更為紫 赫然成還丹雲笈七籤合丹法火至七十日藥成 五色飛華紫雲亂映名曰紫 金其蓋上紫霜名曰神丹三年奔走空皮骨信

有人間行路難

錦官城西生事微荆作錦官生 事城西微烏皮几在還思歸

謝朓詠烏皮隱几詩蟠木生附枝刻削豈無施取 則龍文鼎三趾獻光儀勿言素韋潔白沙尚推移 曲躬奉微用 聊承終宴疲昔去為憂亂兵入今來已恐隣人非

杜工部詩集卷十一

五

側身天地更懷古回首風塵甘

一作且

息機共說總

戒雲鳥陣不妨遊子芰荷衣

怪奇經入陣天地風雲為四正飛龍翼虎

鳥翔蛇蟠為四奇梁簡文七勵迴雲鳥之密

春歸

苔徑臨江竹茅簷覆

去聲

地花別來頻甲子歸到忽

一作又

春華倚杖看孤石傾壺就淺沙遠鷗浮水靜

輕燕受風斜世路雖多梗吾生亦有涯此身

一作且應

醒復醉乘興即為家

歸來

客裏有所適

一作過

歸來知路難開門野鼠走散帙

壁魚乾

謝朓詩散帙問所知爾雅蟬白魚注衣書中蟲一名蚋魚

洗杓開新醞

低頭著小冠

一作拭小盤漢書杜欽杜鄴並字

冠冠之由是更謂欽為小冠子夏鄴為大冠子夏憑誰給麴蘖細酌老江

干

草堂

昔我去草堂蠻夷塞成都今我歸草堂成都適無

虞請陳初亂時反覆乃須臾

一作斯須

大將赴朝廷羣

小起異圖中宵斬白馬盟歎氣已籠

蘇秦傳會于洹水之上通

賀剗白西取邛南兵北斷劔閣隅布衣數十人亦

擁專城居其勢不兩大始聞蕃漢殊藥府羅敷行四十專城居

西卒却倒戈賊臣互相誅焉知肘腋禍

白及梟鏡一作徒晉書江統曰寇發心腹禍起肘

類使百吏祠皆用之漢書注梟鳥各食母破鏡義士皆痛憤紀綱亂相踰

一國實三公萬人欲為魚左傳一國三公吾誰適

為刀俎吾唱和作威福孰肯一作能辨無辜眼前列

引晉作桎械背後吹笙竽談笑行殺戮濺一作流血滿

長衢爾雅桎謂之桎到今用鉞地風雨聞號呼鬼一作

人妾與鬼馬色悲充爾娛國家法令在此又足驚

吁左傳至于用鉞趙曰鬼妾鬼馬謂已賤子且

奔走三年望東吳弧矢暗江海難為遊五湖公去成都

往來梓閬間凡三年史記正義五湖者菱湖游

湖莫湖貢湖胥湖皆大湖東岸五灣虞翻曰太湖

東通松江南通雲溪西通荆溪北通滬漢東南南通非溪凡五道別謂之五湖不忍竟舍

此復來雞徒計榛蕪入門四松在步屨萬竹疎除

也舊犬喜我歸低徊入衣裾鄰里喜我歸沽酒攜

胡盧一云提大官喜英華我來遣騎問所一作須

城郭喜英華我來賓客隘一作村墟世說陸士衡

士工部詩集卷十一

初入洛詩劉

宅

道真劉性嗜酒禮畢初無他言惟問東吳有長柄

壺盧卿得種來否按胡盧以貯酒胡古與壺通庾

信詩壺盧一酒樽後村詩話子美草堂詩大官

喜我來西韻其體蓋用木蘭詩翁娘聞我來出郭

相扶將阿姊聞姊來當戶理紅粧天下尚未寧健

小弟聞姊來磨刀霍霍向猪羊

兒勝腐儒飄飄飄作風塵際何地置老夫於時見

英華作是疣音尤贅骨髓幸未枯飲啄媿殘生食薇不敢

餘疣瘡也莊子彼以生為附贅

懸疣舌詩食蕨不願餘

錢箋寶應元年四月嚴武入朝七月劍南西川

兵馬使徐知道反八月伏誅公攜家避亂往梓

州廣德二年武鎮劍南公復還成都草堂此詩

云人將赴朝廷羣小起異圖謂武入朝而知道

反也北斷劍閣隅謂知道以兵守要害武不得

出也賊臣互相誅謂知道為其下李忠厚所殺

也王洙梁權道輩以為永泰元年避崔旰之亂

而吳若本布衣專城之下注云即楊子琳栢貞

節之徒是時嚴武已沒公下峽適楚何嘗復歸

草堂哉注家惟黃鶴能辨之○徐知道事史鑑

俱不詳按華陽國志臨邛縣在郡西南二百里

詩云西取邛南兵邛南兵即下西卒蓋此本內

附羌夷知道引之為亂耳公上嚴武東西兩川

說云西山漢兵食糧者四千人皆關輔山東勁

卒脫南蠻侵掠邛雅子弟不能獨制但分漢卒

助之不難撲滅又云頃三城失守非兵之過也

糧不足也今此輩見闕兵馬使八州素歸心于

其世襲刺史獨漢卒屬裨將主之竊恐備吐蕃

宜先自羌子弟始此詩邛南兵即所云邛雅子

弟與羌子弟也徐知道乃兵馬使漢兵是其統

領又脅誘羌夷共反繼而賊徒爭長羌兵不附

李忠厚因而殺之故曰其勢不兩大始聞蕃漢

殊西卒却倒戈賊臣互相誅也唱和威福一段

當是李忠厚既殺知道縱兵殘害無辜如花敬

定之事故曰國家法令在此又足驚吁也通鑑
寶應元年嚴武任西川為徐知道所拒不得進
考知道反在嚴武入朝
之後應取此詩正之

四松

四松初移時大抵三尺強別來忽三歲離立如人

長禮記離生離立注會看根不拔莫計枝凋傷幽

色幸一作會秀發疎柯亦一作已昂藏所插小藩籬本

亦有隄防終然振直庚切撥損得愧英華同千葉黃

敢為故林主黎庶猶未康謝惠連祭古塚文以物

為避賊今始歸春草滿空堂覽物嘆哀謝及茲慰

淒涼清風為我起灑面若微霜足以一作為送老姿

資一作將聊待一作偃蓋張陸機詩秋風夕灑面我生

無根蒂配爾亦茫茫有情且賦詩事迹可兩一作

忘勿矜千載後慘澹蟠穹蒼兩可

水檻

蒼江多風颺雲雨晝夜飛茅軒駕巨浪焉得不低

垂遊子久在外門戶無人持高岸尚為一作谷何

傷浮柱欹西京賦時游極于浮柱注三輔扶顛有

勸誠恐為識者嗤既殊大厦傾可以一木支臨川

郭作
川林
悲
視萬里何必欄檻為人生感故物慷慨有餘

破船

生平江海心宿昔具扁舟豈惟清溪上日傍柴門

遊蒼皇

一作惶

避亂兵緬邈懷舊丘鄰人亦已非野

竹何脩脩船舷不重扣理沒已經秋

楚詞注鼓柁鼓舷鳴也江

賦詠采菱以扣

仰看西飛翼下愧東逝流故者或

可掘新者亦易求所悲歎奔竄白屋難久留

掘穿也

明錄陽羨小吏吳龕乘船過溪漢書注白屋謂庶人以白茅覆屋者

